

TUHAQTIJUTIKHAQ



Qilamik Taniyakhag

NTI-kut Quyagiyaat Kanatami Kavamat Ihumaliurutaa Baffinland-kut Havaakhaq 2-mi Atulirumayaanik

(November 17-mi 2022-mi, Iqalukni, Nunavumi) Nunavut Tungavik Timiuyuq (NTI) quyagiyaqaqtut Ihumagiyaautiaqtup Dan Vandal, Ministauyuq Ukiuqtaqtumi Havaariyauyunik, kivgaqtuqhutit munariyuyut ministauyut, Nunavumi Avatiliqiyit Katimayit (NIRB) Ihumagiyaufaariagani Unipkaa Baffinland Iron Mines Kuapariisiuyup (Baffinland-kut) Mary River-mi Havaaq 2-mi atulirumayayuyup tuniyauhimagiyuq May 13-mi 2022-mi (“Unipkaa”). NIRB-kut nalunaiqtitiyut Unipkaami una Havaaq 2 hivumigiaqaginiga, Ministauyuqlu Vandal agiqhimayaa Unipkaa. Kanatami kavamat ihumaliurutaa nalunairutauyuq ihuliniganik NIRB-kut Havaaq 2-mi ihumaliurutikhamik havauhiqmik unalu Havaaq 2 atulirumayauniganik.

“Una ihuaqtuq ihumaliurutauyut Inuinaqni ihuaqtuqlu ihumaliurut aktuqtauyunik nunagiyauyuni ublumi, ihumagikpata agiyuraalukmik ihuituniklu aktuqhijutaulaatuq taqyumi avatauyumik, taqyumi uumayunik, iqaluknik, tuktuunik ahiiniklu nunamiutanik uumayunik, nautianik immiqtaqvikhaniklu ihuaqtumik ihuaqhiyaulimagitut atuqat Havaaq 2-mi atulirumayayuyup, ihuitumiklu aktuqniganik Inuit agunahuaqniqinik, igilraat hulijutainik niqikhaqatianiqmiklu,” uqaqtuq Ikhivautalik Aluki Kotiert.

NTI-kuni Tuukliuyuyup Ikhivautalikmit James Eetoolook ilagiarutiqaqtuq “Qauyimaugut kiguvaryaqniganik agikligiaqniganik upalugaiyut ajikutaanik Havaaq 2-mit kiguvaryutaukmat takuyauniginik amihunik manikhaqhiurutinik ikayuuhiarilaaqtainik nunagiyauyunit – kihiani, agiyuquyuaq agikligiaqniga ajikutaanik Havaaq 2-guyup havaariyaautiariaqaqtuq, ihuaqluni ihariagiyaainik amiriyaagani Inuit ihumaqhuutait ihuaqhariaganilu aktuqniginik uumayut, avatauyuyup, Inuulu inuujuhiinik. Inuit ikayuqtuiyut havaariyaautiaqniginik ihuaqtutinik pivaliajutinik, nahuriyugulu Baffinland-kut nanihiniaqniganik qanuq huvumut aulayaamikni, pipkaihimaariagani nakuuyunik ikayuutikhanik Inuinait havainariagani Nunavumilu manikhaqhiurutini.”

-30-

Uqaqvikhaq:

Kevin Kablutsiak

Hivuliqhuqtit Tuhaumajutinik

Nunavut Tungavik Timiuyumi

Qaritauyakut Titiqilvik KKablutsiak@tunngavik.com -mi

Hivayauyaa: (867) 975-4900 / Akiitumik: 1-888-646-0006

NTI-kut Tuhagakhamik Tunaqtijutait Iliyaavaktut qaritauyami qungiakhami: www.tunngavik.com -mi



Nunavut Tungavik Inc.-mi